

廣德州志

卷四十之卷四十二

72418

方技	隱逸	孝友	文苑	循吏
仙釋	寓賢	義行	武功	儒碩

230.115
139
部2-11

廣德州志卷四十

人物志 循吏 儒碩

循吏

求治之道莫若吏得其人故循良尚焉桐郡才俊挺生聯翩仕路自憲司以至一命所稱有猷有為有守者並著於篇

宋

李仲鼐任廣西提刑官治獄多平反人懷服之南畿志兼提

舉常平義倉茶鹽等事蔚然有政聲萬歷選舉志

廣德州志

卷四十

循吏

一

湯景仁熙甯三年進士為甯國令以廉介稱人謂其所居

地曰湯清村南畿志明一統志

周承勳博學能文隆興元年進士任新昌縣尉發奸戢盜

民賴以安南畿志轉知崑山縣卒有清閔集三十卷明一統志

王廷袞字補之號蓋齋建平人開禧乙丑進士提點江淮

刑獄不務苛虐人以恕翁號之歷官兩浙路宣撫時民有採珠之役廷袞惻然陳奏得免民賴全活祀之海濱性骨鯁論事不避權倖以此與時忤疏乞歸子立道登

嘉定進士季志

案廷衮名見萬厯選舉志不詳厯官楊門志亦無傳
李志始據縣志錄之中載奏免採珠事考宋史地理
志兩浙路領二府十二州七十九縣雖東西北皆際
海所產魚鹽布帛秔稻惟餘杭四明通番互市珠貝
外國之物頗充於中藏然則珠爲番貨非浙產明矣
其子立道登進士各志不載縣選舉中亦無之不知
何據以立傳今姑仍李志錄之

明

錢魯南洪武三十三年知東鄉縣時兵戈雖息邑多巨族

廣德州志

卷四十

循吏

二

驕悍如故魯南律已無私務勤儉敦禮義以倡之民懷

其德彬彬向化

新通志引
江西通志

濮陽瑾字良玉天順癸未選貢授甯陽縣丞兩賑饑民全

活甚眾委督漕糧至誠勸諭民咸樂輸上官交薦以親

老乞歸

通志

送者遮道截鐙及歸推恩故舊修睦鄉里瑾

性端慤外和內剛人無賢否悉致敬焉

萬厯志

先是甯陽

民困於養馬力請於當事疏免之又議貸兩淮鹽買銀

一萬七千兩市粟備賑民賴以濟明年委賑曲阜汶上

肥城等縣饑所至諭富民出粟以甦老穉弛山澤之禁

令壯者漁獵爲食所活無算充屬二十七州縣以積歉負糧有司峻法徵催不得藩司命瑾督之瑾悉縱其繆繫開誠曉諭民感泣爭輸泰岳香稅舊額二萬餘瑾三攝其事絲毫無染額增十之二三在邑九年治狀稱最祠祀名宦居林下三十餘年自號西峯居士年八十五卒鄉人賢而祀之

孫鄒撰傳參楊志

姜溥性穎異善詩文成化丁未進士授嘉魚知縣卓有政聲推陞監察御史未任卒

李志

戴初字復之建平人成化丁未進士性剛介甘貧力學有

廣德州志

卷四十

循吏

三

詩名歷宰三邑皆以廉稱

通志

劉必達號雲峯宏治年貢生任無錫訓導朔望集諸生講藝賞其見解明悉者課日必構程擬示之一日課案首華生故富家子其父德之厚餽以金囑常留意必達怒曰若貨取我乎擲金戶外拒其子毋再與課邑令陸之俊雅重之比入儀曹薦必達民部郎官以老辭歸

劉氏譜

張金宏治中知岳州府築南金港隄禦水尤勤荒政

裕志引通志

志

徐金鉉字大器號靜菴建平人有才識宏治庚辰以歲薦

授南京副兵馬司檢身勤職當道器之卒於官囊無寸
儲人益誦其清操云楊志

潘澗字時雨號贛溪建平人正德甲戌進士歷官儀部郎

擢守處州當道議增郡賦力爭而止比入覲民有餽遺

堅拒弗受眾構卻金亭以懷之遷雲南兵備副使通志澗

在郡時巨猾徐大潮葉懋三橫行鄉里官府莫敢誰何

澗毅然除之富民朱氏被誣繫獄察其冤立為辨釋人

敬愛之李志

王世祿字子廷幼耽經史正德丁丑進士任麻城知縣調

廣德州志

卷四十

循吏

四

象山歷瀘景二州陞戶部員外郎居官清慎有政聲及

歸清風兩袖所至皆祀名宦焉楊志

夏鶚字惟舉建平人正德間以國子生任行都司斷事先

是大同軍亂侍郎黃綰委鶚分別情罪擒首惡十一人

當道忌其功被論去李志

李成建平人正德間知泰甯縣時大帽山寇滋擾成嚴設

防衛城賴以全李福英統兵討賊所過剽掠至泰甯得

成調劑無一卒敢越利涉橋為害者裕志引

夏宗仁字以元建平人正德丁丑進士授建甯令民戴其

德將內擢病卒所遺唯書籍數卷舒芬高其廉潔作清風圖贈之

楊志
縣志

鄭相字廷佐號松泉以文行名選貢爲廷試首慨然有大志居家孝友尤嗜王文成之學宰夏邑九年績奏循良建熙熙臺延賢亭以接諸生癸丑河溢躬畚鍤築堤防會有盜警以計懼伏之鄰邑頌德以卓異稱最民尸祝之解綬歸養究心理學有懷閔思貞集栗城漫稿訓蒙小學古本大學註傳世州守段猷顯稱其生平操履真可企聖希賢沒後流風信可師世範俗云

萬曆志

廣德州志

卷四十

循吏

五

李崇謙字孔濟號松渠嘉靖丁酉舉人孩時聞人讀書輒能記憶十歲父昭卒蘄陽官舍扶櫬歸江行經小孤舟幾覆母馮因戒崇謙勿讀書見輒焚之旣弱冠泣告母曰人不學不知道卽無意進取書安可不讀時姚江韓應龍授經郡南戈氏往從之始學爲文韓大稱賞後應龍大魁嘉靖乙未榜崇謙亦舉鄉薦選浙江分水令發廩賑饑所活甚多興學繕城均稅革里甲諸善政悉舉時兩浙用兵徵餉無常而都御史以巡鹽來江南者所至餽送不貲崇謙與涇安令海瑞誓無私謁且上書爲

民請命至今分瀆二邑皆尸祝之巡撫胡宗憲平衢婺
礦賊俘三百人命鞠之原其誘脅者數十人邑有冤獄
與監司爭之不得後其子得陽令蘭谿崇謙憶前事授
之意竟爲釋之陞江西吉安判不赴後以得陽貴封吏
部郎中年六十七卒

萬厯志參
行狀墓志

巫繼咸字宗臣嘉靖庚戌科進士官戶部出知泰和縣至
任編審保甲親校簿籍剔弊除奸杜絕請託時敕建楊
文貞祠無絲毫累民擢御史巡按貴州值苗匪韓田作
亂檄石總兵堵剿踰旬事平黥俗有兄死而婚其嫂者

廣德州志

卷四十

循吏

六

懲治如法弊遂革去官日囊橐蕭然調河南巡按遂卒

新纂 據
巫氏譜

巫璋字朝章

楊志作
彩章

號白涯嘉靖己酉舉人四歲失怙伯

兄撫養之比長以孝友聞甘貧力學博極羣書任黃州
通判愛民如子稱廉平薦擢兗州同知未幾調開封政
績懋著陞南京戶部員外轉郎中以病告歸歲大祲鬻
田賑濟里有鬻妻者貸錢完之立義塾以教貧家子弟
著有文章規式忠孝勤儉四箴

萬厯
志

濮陽江字致源事孀母至孝居家不妄言笑任遼州同知

鬻家產以濟邊餉計卻勁敵太原獲全擢臨江府通判

參楊李志

夏宗思字以明建平人嘉靖戊午舉人知零都縣多奇績

時有御史袁淳居鄉以分宜黨恣行侵併宗思上其不

法事正其罪百姓爭肖像以祀課最例當得臺省司銓

衡者袁同年友也中沮之改調興山縣棄官歸

楊志

史可傳號南洲建平人少嗜學性恬靜嘉靖辛酉歲貢選

定興司訓陞祥符教諭以至誠感厲諸生士多化之居

恆不衣冠不見子弟子弟不衣冠亦不敢見云

楊志

廣德州志

卷四十

循吏

七

濮陽伏字汝昭號繼川始冠卒業成均交天下士任光祿

寺署正遷東昌府通判署篆屬邑捐俸入以補歲額理

冤獄懾猾胥治聲藉藉部使者屢薦之伏固辭歸里為

戚黨周困乏畢婚嫁無德色至今傳誦之

萬曆志楊志

呂正情字約之建平人孝事繼母隆慶己巳以歲貢授山

西平定州同知連攝州縣篆晉土瘠民疲正情極力撫

綏裁賦耗恤流移葺城堡嚴保甲所泄皆有惠政以耿

介不能媵阿失上官意去之日囊橐蕭然送者攀轅遮

道

楊志

楊大韶建平人隆慶元年舉人知武緣縣治尙嚴明減值錢以甦里甲置社學三十餘所立學田革攬納邑人稱

快裕志引
通志

呂明倫字子上建平人萬厯癸酉舉人知定海縣著海防捷錄諸書以廉允轉山東萊蕪有巨惡元氏世爲民害明倫毅然翦除百姓歌舞於道祠祀之陞烏撤軍民府

同知楊志

夏元和字節之建平人萬厯年貢生選茶陵州同知署攸縣陞山東兗州府通判權臨清關一意潔已榜廳事後

廣德州志

卷四十

循吏

八

云摘蔬尋別味種竹映虛心以盡瘁卒官兗人無不哀

泣楊志

甯瑞鯉字壽卿萬厯乙未進士授南豐知縣厯知成都府考天下清官第一擢瀾江按察副使廣西廉使所至俱有惠政謝政歸鄉里多蒙其澤者李志

潘紹芳號登龍建平人萬厯間由歲貢厯任海甯進賢二邑丞皆釐弊除奸著有聲績遷西域之馬平令設碑革困民諸秕政百姓歡呼遍於城野及歸行李蕭然李志

夏之時字士寅號剡溪萬厯丁酉舉人學本經術爲名諸

生性凝飭儕耦中絕無偏昵與人語輒傾懷意有不可
凜如也居恆誦法范文正其先世曾捐置義田以贍族
之貧者之時復借伯父良心增置若干畝時進族子弟
訓課之家居十餘年未嘗以私干當事人謂有子羽之
風署含山縣學事大成殿圯以家貲千餘金重新之諸
生藉以舉火者數十家卒於署咸痛苦失聲執心喪焉

萬厯志
楊志

周化字育卿號靜菴萬厯間由太學生厯任廣信汀州二
府照磨轉陝西醴泉縣丞署知縣一載悉心撫字以勞

廣德州志

卷四十

循吏

九

積疾卒於任所遺酒杯書篋而已先是有縣吏以非辜
陷死罪化察其寃爲營救得脫吏感德繪像事之後迎
櫬者并持以歸今像尚存

周氏譜

雲鳳岐字虞卿號巢阿萬厯壬子歲貢任通州海門教諭
值鹽政之亂士民罹網者百餘人時讞獄者欲取決於
鳳岐諸生夤夜投金納券盈案鳳岐怒麾之曰我豈戀
一官貽累若曹者火其券還其金慨然以身當之不累
諸生一人事定棄官歸海門人祠祀之額曰海國恩波

李
志

李熙載號振寰萬厯乙卯歲貢幼家貧失學中年始發憤讀書暑月嘗納足甕中卒爲學者任金壇訓導陞青神縣令賦性狷潔恪守官箴卒年八十餘

楊志

雲文彩號儀寰萬厯己未歲貢任德化主簿有異政御史張銓美其才疏薦擢普甯令任繁劇兼攝鄰邑摘伏如神案無留牘陞永昌府通判致仕生平重然諾敦故舊濟緩急有古人風

楊志

王之棟字嘉隆號柱石建平人兄弟五人之棟處季盡以腴產讓諸兄以准貢選邛州僉判兼攝榮蒲二邑士民

廣德州志

卷四十

循吏

十

愛戴會討叛蠻之棟督餉黎城瀘河諸處山路險巖之棟調運不匱運夫多觸瘴道弊者掩埋之時給醫藥督撫交薦以守正不阿卒左遷藩相卽解綬歸年六十八

卒

通志楊志縣志

王之講字嘉學號育葵建平人由太學生授慈谿簿佐理撫循精明慎密疏河流淤塞以禦水旱邑人爲建生祠立碑紀事且爲詩歌以贈之

李志

甯用轍字叔由天啟辛酉恩貢天姿雋逸擅名藝苑任華容縣民苦浮糧設法徵輸民困稍蘇時豪衿恣橫用轍

扶弱抑強民戴之如慈父在林下四十餘年優游詩奕
壽九十一終楊志

楊時春字茂先建平人天啟甲子舉人授銅陵教諭捐俸
葺學宮學前有玉帶河築堤瀦水銅士賴之陞慈利知
縣地逼麻寮美坪諸峒山獠出沒時春恩威並濟士人
畏服值流寇告警時春催科有法軍需無誤部臺交薦
調繁長沙以勞卒楊志

濮陽景旦天啟丙寅歲貢居家孝友持躬端肅少擅文譽
郡大夫屢延不至倡築興陽壩以禦水患數千家利賴

廣德州志

卷四十

循吏

十一

之任海門訓導六載所得俸半以濟寒士捐貲建魁星
樓復丁祭舊典有成季二生被誣應禠景旦力辨雪之
報以多金正色拒之乙亥寇警維揚上官檄調守城早
夜捍護致疾卒於署邑人號慟建碑紀績都御史鄭二

陽疏請旌卹

楊志

嚴斌美字美生號粹菴建平人崇禎元年選貢任紹興嵒
縣丞署縣篆廉而有守惠能養民民甚德之丁內艱歸
行李蕭然資斧不給觀者太息楊志

戈簡字行可號臣在崇禎辛未進士任晉江知縣晉故多

仕宦簡謝絕請謁凡綜賦汰役練兵積穀息海氛靖山寇皆有成績通志先是秉鐸東光修學造士爲郡人築館

燕都既登第爲臨川艾千子所賞温陵俗險健案山積簡多方勸諭踰年訟息濬河濟運今戈公陂是也試童

子搜拔寒雋兩科得士如蔡道憲鄭羽儀張廷榜輩皆出其門下丙子分校閩闈得士最盛六年報最邑人緝

同春錄以紀其績嘗攝篆南安民愛慕如晉江兩居憂致疾卒著有遠菴集楊志參 戈氏譜

戈天龍號鼎湖崇禎六年歲貢授福建南靖訓導與閩中廣德州志

卷四十

循吏

三

士講論經術郡紳黃道周雅重之擢尤溪知縣撫字心勞宿逋一清以廉介失上官意致政歸後補廣濟知縣

未任卒楊志

王重臣字叔葵號葵赤建平人由貢生授四川唐安州判

值流賊分三道寇蜀渡白水破漢縣距唐安祇數十里刺史聞警率僚屬拜於庭曰君才十倍僕僕願如許遠

故事願君毋讓睢陽重臣乃集士民會議修器械設方略因三江之險連營列寨賊望風而靡復攝篆江油條

具五難四苦爲民請命江油民歌之曰父兮生我母兮

育我不有王令誰其植我及歸父老流涕送之立祠以

祀李
志

國朝

包元翀字拂雲號我澄順治戊子恩貢知平陰縣時濟上屯兵縣苦供億元翀多方區畫賴以不匱更捐金以佐軍需蝗入縣界虔禱之遂出境斷獄明允有龍圖再

見之謠

通志
楊志

盛士真字光含號雅南建平人學問淹博由選拔授知縣丁外艱未就既令北直任縣除弊興利勇於有爲陞

廣德州志

卷四十

循吏

三

濟甯知州未赴而卒篋中祇餘數金士民哀其廉歛錢治喪歸其櫬焉李
志

張希哲號耐菴順治六年歲貢磊落有才識郡有溢額之征久爲民病希哲入京應選謀於部設法除之司訓崑山己亥值京口之警眾欲棄城去希哲不可集紳士爲固守計遷天長教諭調太倉學正擢山西稷山縣興學校嚴講課期月治成時清釐漏賦按籍墾荒陽平里被困尤甚希哲憫之具請得免編審人丁均徭平賦糧不盈石者概免歲旱虔禱甘霖立沛邑紳士作詩頌之

其客編為高粱集擢內翰去邑民走送百里外據高粱集及張

氏譜

戈啟斗字公明號月林順治七年歲貢任蘇州府訓導

倡修文廟學舍巡撫李森先廉其端介咨以地方利弊

薦授義甯令邑多盜督捕有方捐俸五百餘金代輸歲

額去官之日行李蕭然楊志

戈瑤字金如號樵雲順治辛卯監貢考授中書舍人時

有疏議改州歸府轄者州人皇皇瑤條其不便者數事

都御史宜公永貴具題仍舊楊志

廣德州志 卷四十 循吏 古

呂光盛字文徵號易菴建平人貢生任天長訓導敦文

教植寒士遷長山丞俗悍民強光盛以德禮導之民稱

為呂佛卒於官囊無寸儲縣令徐捐貲送之李志

岑鶴字羽長號懺菴建平人康熙甲辰進士知河南西

華縣首禁奸民詭寄免差諸弊築扶溝張善口民甚賴

之以內艱歸復補河陰值歲歉鶴賑救有方無冒無漏

擢鎮南知州所至有聲陞禮部郎中以疾歸居家儉約

不殊寒素李志

宗芳字漢臣號靜菴建平人由副貢任四川建始知縣

兵燹之後人未知學芳力興文教不數年簪纓相繼邑民祠祀之比於文翁再任通許兩值歉歲陳於郡守轉請蠲賦民乃得生李志

陳鑑字旦先由貢生任淮安訓導與諸生切劘道義冢宰張文端公總督河務知其能委給夫役工食以學博總理錢穀非舊例也李志

王逢龍字孟雲教習八旗授山東鹽運判分司膠萊時上下兩關有私派陋規逢龍詳請勒禁大僚疏薦兼司雒口關稅務委勘東省旱蝗捐錢米設藥局多所全活

廣德州志

卷四十

循吏

五

李逢龍清廉謹恪常惡矯虔以虐民者康熙二十年調杭州府通判檄解耿逆家口至部逢龍體素羸不耐暑行次蘇州以渴病卒貧不能具櫬杭州府志

巫樞孫字皇士號甯菴康熙庚辰進士知桃源縣潔已愛民清剔陋規聽訟平反修文廟建橋梁惠政甚多因望誤左遷北直通州州判管理七省軍白二糧上慎國儲下除積弊立義學二處講學殷勤尋乞休卒於家李志

王志援字子濟號竹屏建平人十歲有文名康熙丙戌進士奉親以孝著未第時憫兄弟之困言於父母曰兒

猶能舌耕願以田宅讓之尺土寸椽勿有也居恆恂恂不與外事其有便於鄉者輒引爲己任如請改徵邑漕至今賴之任桂陽縣卻餽減耗清節著聞課農養老育嬰諸善政畢舉以分校卒於棘闈民爲巷哭祀之名宦位在濂溪先生下云

李

志

戴兆佳字士期建平人康熙丙戌進士知浙江天台縣斷決若流洞中窾要邑居山僻民頑難治兆佳銳意振興登善良鋤豪猾振學校勵農桑清賦役釐保甲開義塾贍常平斥淫祀修名蹟繕城浚隍埋齒瘞骸百廢具

廣德州志

卷四十

循吏

其

興時值兵燹後版籍脫漏飛詭舛亂末由振刷兆佳履畝丈量按地覈主錮弊頓清會以歲歉委賑三邑全活數萬政績詳載天台治略後擢主事陞員外尋改禮部

卒於官

李

宗高舉字一蜚號梧岡建平人乾隆初由廩生舉孝廉方正任陽湖訓導調淮安砥行衡文多所成就辛未癸酉河淮漫溢檄委辦賑遍歷清河桃源及本境七州縣悉心查核按戶親給胥吏不能爲奸民沾實惠

濮陽樓字凌雲號苻溪與兄模俱內行淳摯學博文雄

乾隆乙丑進士令陝西之三水地瘠民貧樓盡心撫字
訓農勸學石門關有馬廠地三十餘頃磽薄僅足輸賦
額戶口凋敝樓詳減其四之三民始樂業

王師討準夷道出邠州委辦臺站絲毫不以擾民典史盧
某卒於官櫬及家口不能歸樓捐俸賙之丙子己卯分
校省闈所薦皆名士以磨勘郢部議邑人如失慈父母
焉樓居官清約去之日幾無以辦裝歸里遂不復出著
有文杏堂稿葩經儷語左氏駢言子四皆庠生次翥乾
隆癸卯副榜尋卒士論惜之

家傳

廣德州志

卷四十

循吏

十七

陳惇字九敘號厚堂乾隆庚辰舉人丙戌挑發閩省閩
濱海阻山夙號奸藪初令古田調甯化地接清流之董
家嶺積匪窟穴也擾害七邑惇至悉擒置之法邑多虎
患禱於神作檄驅之虎遠去擢判福甯署漳浦縣有孫
蔡兩巨猾素豪橫孫爪牙尤眾前令不能捕惇計獲誅
之蔡亦問戍邑賴以甯乙巳以本缺裁移駐泉州蚶江
會

大軍進勦臺匪兵弁軍裝糧餉率由蚶江渡臺然係新立
航舶甚少惇經理一年濟運無缺及凱旋署興化郡仍

攝篆興糧蚶江竟以積勞卒惇至性純篤其赴閩也以
母喪憚遠行弗克迎養作反哺辭十二章奔母喪哀毀
骨立聞弟錫訃一慟成疾又好施予族鄰咸感其惠焉
據行
述

以上胡志案宋湯景仁傳有脫句當據輿地紀勝補
詳後補正周承勳爲隆興元年進士據選舉志補入
因移王廷袞於承勳後明以後諸傳或稱舉鄉薦登
賢書不一今改稱舉人明經改稱貢生縣令改稱知
縣俱歸一例下仿此 又案明循吏內增錢魯張金

廣德州志

卷四十

循吏

六

李成楊大韶四人俱胡志所無今據裕志補又增巫
繼咸一人

李賓字見如號西巖乾隆乙卯舉人嘉慶己未挑取膳
錄知河南葉縣邑俗强悍難治履任後發伏摘奸課農
勸學捐廉創設昆陽書院嘉惠士林辛未歲饑匪人王
勝子等糾眾劫掠由舞陽等處漸入葉界賓募勇並會
營捕獲首犯常福等懲治繼以營弁攘功被議遣戍後

釋歸卒於葉

裕志

劉丙字克齋宛平籍嘉慶壬戌進士知上高縣調浮梁

浮梁資器甲天下丙自上供外不私一甌律身清潔斷
獄精明陞甯都州知州丙寓宛平時從名進士趙良燾
遊故學行似之

裕志引
通志

龔舫字書舫建平人貢生道光間由訓導保陞淮安府
經歷署山陽知縣邑因洪澤河水溢決隄田廬淹沒成
災因力陳於郡守得募資重築以工代賑民踴躍負土
而至三月隄成互二十餘里遂無水患補安東縣邑多
盜嚴緝懲治有差宵小斂跡重修書院清理積案而釋
其株累者民德之調阜甯眾攀轅不忍去時粵匪南竄

廣德州志

卷四十

循吏

九

阜之西北鄉土寇竊發舫練勇躬自督捕擒其魁餘黨
潰散惠政如修隄築城不遺餘力輿情悅服調上元去
任日民依戀如安東時丁憂歸卒年七十一

家傳

儒碩

漢時儒林非經明行修不與後世所稱鴻儒大率如王充所云精思著文連結篇章者耳桐川自治平後儒風日振繼得鄒文莊講學士咸以道學相切劘遺韻流風於茲未墜至若植品禔躬無愧篤行君子者亦多可紀依舊志目為儒碩云

宋

查深字道源隱居力學治平間郡守錢公輔疏其行誼薦於朝力辭不赴乃為築堂於城西玉溪之上名曰清容

廣德州志

卷四十

儒碩

三

延請教誨郡人子弟循循善誘儒風日振學者稱清容

先生有文集二十卷

南畿志明一統志萬歷志通志

明

錢用壬字成夫元南榜進士第一授翰林編修出使張士

誠留之授以官大軍下淮揚來歸

明詩綜出為江浙行省左右司員外郎既

而參平章張士信軍事於淮安陞參政歸附後授按察副使

累官御史臺經歷預定

律令尋與陶安等博議郊廟社稷諸儀其議釋奠藉田

皆援據經文及漢魏以來故事以定其制用壬言文廟

祀典宜於每歲仲春秋上了皇帝降香遣官祀於國學

以丞相初獻翰林學士亞獻國子祭酒終獻

自文廟至此據通志

及明史禮志補

又言漢鄭元謂王社在藉田之中唐祝欽明云

先農卽社宋陳祥道謂社自社先農自先農藉田所祭乃先農非社也至享先農與躬藉同日禮無明文惟周語曰農正陳藉禮而韋昭注云祭其神爲農祈也至漢以藉田之日祀先農而其禮始著由晉至唐宋相沿不廢政和間命有司享先農止行親耕之禮南渡後復親祀元雖議耕藉竟不親行其祀先農命有司攝事今議耕藉之日皇帝躬祀先農禮畢躬耕藉田以仲春擇日

廣德州志

卷四十

儒碩

三

行事

據明史禮志補

案傳文有云語詳禮志今補之而節去此句

詔報可洪武元年

分建六部官拜用王禮部尙書凡禮儀祭祀宴享貢舉諸政皆專屬禮官又詔與儒臣議定乘輿以下官服車式時儒生多習古義而用王考證尤詳確其年十二月

請告歸

明史陶安傳

賜居湖州

據明詩綜補

案錢尙書爲有明開國儒臣明史旣爲立傳又贊云明初議禮釋奠耕藉田錢用王能援據經義酌古準今郁然成一代休明之治其予之也至矣萬曆志乃僅於選舉志載洪武敕中命貳憲司云云而不爲作

傳楊門等志移入名賢傳卽用其文鄙陋已甚至明史傳中所稱祭祀宴享諸議惜已無考其詳禮志者今悉採以補之亦是邦之光也

謝士貞字彥良建平人永樂中以貢生任本學訓導循循善誘邑人知學皆其教也通志後家居淡泊自奉年九十

卒嘗有詩曰林藏書屋天能幾梅占山窗月不多其雅致可想縣志

濮陽涑號真菴嘉靖丁酉舉人在都時值楊繼盛以忠諫死涑素服往哭爲文祭之幾被禍通判南昌三署屬邑

廣德州志

卷四十

儒碩

三

平花園積寇獲豐城劫盜爲人端直俸入不以自潤積穀備賑歲祲全活者眾致仕歸學宗伊洛正脈爲里中人物冠冕本郡不養馬不歸府轄皆藉其力所著有四書禮記貞義韻學大成圖書性理訂疑通志參萬曆志李志

夏思字睿甫

萬曆志

號官明隆慶庚午舉人少而苦學寒暑

不輟迨鄉薦後太倉王錫爵奇其文俾其子受業焉任瑞昌教諭累遷禮部司務以請建儲忤旨歸著有約言

編還初錄

通志

世稱學者必曰官明先生

楊志

王維謨字正甫萬曆初爲齋長家貧篤行與李天植從鄒

東廓講明道學稱爲心絃先生年八十五卒著有禮經主意李志

鄭勳字國忠號東雲私淑鄒文莊天性孝友一敦實履遇
僂利子輒引避曰甯爲此輩譙訕耳少失怙終身不爲
華服撫孤姪不啻己子生平無輕然諾都人士藉其言
爲重指其居曰蘭宅以勳居蘭塘故名且以志德馨也
沒後諸同志請之州刺史有云倘生齊魯之故地擬列
宮牆旣承東廓之淵源合從俎豆聞者以爲實錄萬志
勳由萬厯庚子歲貢任安吉訓導楊志

廣德州志

卷四十

儒碩

三

國朝

甯謙字皆吉號朗齋廩生孝友醇慤博學能文接物藹
然圭角不露有叔度汪洋之致內存剛介不趨權勢隱
居教授先德行而後文藝少有踰檢者卽屏之督學張
運青甚爲嘉賞舉其優行著有留餘堂詩集李志
雲中官字軒臣號澹菴高才生選貢文譽藉甚康熙癸
未登進士爲人狷潔抗直不樂仕宦先是中官爲王尙
書子弟師王推薦之應選庶常固辭南歸明年王少司
農及崑山徐公皆齎書敦聘不赴旣補中書舍人亦不

就爲學力探儒先闡奧文章醇實海內學者宗之鑿山
取煤爲郡大害有豪商欲圖開挖州人訟之不能直中
官馳書趙侍御嗣晉力懇於中丞劉公事得寢中官兄
病疫親侍湯藥晝夜扶掖兩月無倦意孝友敦睦足爲
鄉里子弟法家甚貧常授經他省辭歸主人強納四十
金於行筭要之明年復往不果欲還其金無便臨沒猶
出金囑其子必寄之封識如初閱六年矣卒年四十四
次子輝萼博學能文著有古文從吾錄古詩鼎選早卒

通志
季志

廣德州志

卷四十

儒碩

十四

以上胡志

呂國琛字寶臣建平人乾隆乙卯舉人敦品碩學幼讀
孝經至始於事親中於事君終於立身嘗三復斯言與
人交始終如一誠樸有至行表式鄉閭入都卒於旅邸
篋中無長物詩稿一帙而已同邑附生孫禮輿有學行
鄉里敬服嘉慶元年薦舉孝廉方正

縣申

吳照字旦雯廩生居州城父官浙江游擊照偉軀幹有
武將風顧獨好讀書弱冠爲諸生有文譽少失怙兄爲
把總弟無業照獨孝事母家居授徒以脩脯所入供甘

旨性剛介不妄取與好面折人過戚友皆憚之夙善醫術謁病者視之輒效卻饋遺有勢要欲致之者黜至再卒不赴教弟子諄諄勸以德行進士張光藻族姪舉人茂林皆受業其門晚年得風疾家益困門人歛金爲藥餌資固辭強而後受卒年六十六無子其門人暨族黨爲之營葬焉公舉

戴仁建平人庠生秉性剛直爲童子師授經畢諄諄教以孝弟爲先見有狹邪子弟必面斥之村莊婦女冶游力爲勸戒里人忌憚如嚴父焉縣申

廣德州志

卷四十

儒碩

五

宗炳炎建平人咸豐二年歲貢生攻苦力學課徒二十餘年從遊者眾舉業外勸以道義廣印勸戒錄分送閭閻偶於途中遇婦女輒迂道走其謹飭多類此時稱藜

閣先生眞理學也

縣申

董開瑩字立夫我濱見義行傳曾孫生有至性善事繼母友

愛兄弟季父以析產故懟其兄開瑩委曲調停卒歸雍睦弟有過輒自引咎幼讀書通禪理旣而讀朱子小學幡然曰道在邇而求諸遠可乎復研求程朱性理書以敬靜爲宗旨身體力行行路目不衰視遇婦女輒背立

舊居燬更築室奉其親顏曰愛日題其楹曰尙餘一片
平陽地且構三間安樂窩遇拂意事處之夷然兼善攝
生有句云艱難自喜消前孽疾病天教學養生後通醫
學求診者饋遺謝絕且爲長者親視湯藥與人交務勸
善規過其表兄張光藻仕直隸屬以家事始終無負張
有幼弟寄其家患遺溺開瑩與同臥起中夜呼之溺兼
餌以藥病遂愈其誠懇多類此嘗寓書於張謂治民當
如馭馬順其性勿逆久自調良張深服其言咸豐庚申
賊至先命諸弟奉其母往避獨死於難開瑩承父業爲

州庫吏暇時仍手不釋卷偶作文爲儒家言多散去公舉

